

## Ubavka, marina, mila...

U sezoni 1967/68. po jedanaesti put održava se tradicionalno takmičenje trkača „Igman-ski marš“, na kome su nastupile reprezentacije Slovenije, BiH i Makedonije, te od klubova Travnik, Zenica, Romanija i SSK.

Sarajevski smučarski klub u klupskoj konkurenciji zauzima drugo mjesto, iza smučara Romanije.

U vrijeme dok kad su se u Grenoblu završavale 9. zimske olimpijske igre, na Jahorini se od 16. do 18. februara 1968. godine održava 22. prvenstvo Bosne i Hercegovine u alpskim disciplinama. Istovremeno, na Vlačiću je i Republičko prvenstvo u smučarskom trčanju.

Na Jahorini smučari i smučarke SSK osvajaju veliki broj prvih mjesta, ali i konkurencija je prilično jaka.

Milorad Lučić je prvi u spustu za seniore, a treće mjesto u ovoj trci pripalo je Ibri Slipičeviću.

U spustu za seniore Vesna Dugonjić je treći, a isti plasman bilježi i Goran Dedić u spustu za juniore.

Vesna Dugonjić je republička prvakinja u

veleslalomu među seniorkama.

Tri takmičarke SSK zauzimaju tri prva mjesta u veleslalomu. Za juniorke – šampionka je Marina Gučetić, druga je Ubavka Gašić, a treća Mila Gučetić.

Milorad Lučić je prvi u konkurenciji seniora u veleslalomu, a Dragan Dedić je treći u veleslalomu za juniore.

U slalomu u konkurenciji juniorki ista trojka na čelu kao i u veleslalomu, samo je sada redosljed drugačiji – prva je Ubavka Gašić, druga Marina, a treća Mila Gučetić.

Vesna Dugonjić je druga u slalomu za seniorka.

U kombinaciji među seniorkama prva je Vesna Dugonjić.

U kombinaciji, u konkurenciji juniorki ponovo je ista trojka na čelu – Ubavka Gašić je prva, Marina Gučetić druga, a Mila Gučetić treća.

Na Vlačiću ubjedljiv trijumf smučara paljanske Romanije. Smučarima SSK pripadaju samo druga mjesta u štafetama seniora i omladinaca.